

RITUS CELEBRANDI  
MISSAM PRO DEFUNCTIS

EXCERPTUS EX RUBRICIS GENERALIBUS.

DE HIS, QUÆ OMITTUNTUR IN MISSA PRO DEFUNCTIS.

In Missa pro Defunctis ante Confessionem non dicitur Psalmus, Jûdica me, Deus : sed pronuntiata Antiphona, Introibo ad Altare Dei, et responso a ministro, Ad Deum qui lætificat, etc. dicitur *ŷ*. Adjutorium nostrum, et Confessio, cum reliquis ut infra. Cum celebrans ad Altare incipit Introitum non signat se, sed manu dextra extensa, facit signum Crucis super librum, quasi aliquem benedicens. Non dicitur Gloria Patri, sed post Psalmum repetitur, Requiem æternam, nec dicitur Gloria in excelsis, nec Allelûia, nec Jube, Dómine, benedicere, nec Dóminus sit in corde meo, nec osculatur librum in fine. Non dicitur Credo, non benedicitur aqua in Calicem fundenda : dicitur tamen Oratio, Deus, qui humanæ substantiæ, etc. Cum lavat manus, in fine Psalmi Lavabo inter innocentes, non dicitur Gloria Patri. Ad Agnus Dei, non dicitur miserere nobis, cujus loco dicitur dona eis requiem nec tertio dona nobis pacem, cujus loco dicitur dona eis requiem sempiternam, neque percutitur pectus. Non dicitur prima Oratio ante Communionem, scilicet, Dómine Jesu Christe, qui dixisti Apóstolis tuis, etc. nec datur pax. In fine non dicitur Ite missa est, nec Benedicamus Dómino, sed Requiescant in pace. Et non datur benedictio : sed dicto Pláceat, et osculato Altari, dicitur ut infra, I n principio erat Verbum, etc. alia omnia ut in aliis Missis.

In Missa solemnè non incensatur Altare ad Introitum, et Subdiaconus, finita Epistola, non osculatur manum Celebrantis, nec benedicitur : Diaconus non petit benedictionem, nec osculatur Celebrantis manum : non tenentur luminaria ad Evangelium, nec portatur Incensum, sed duo tantum Acolythi sine candelabris stant unus a dextris et alter a sinistris Subdiaconi tenentis librum Evangeliorum. Non incensatur liber, nec in fine Celebrans ; nec defertur liber Evangeliorum osculandus. Oblata et Altare incensantur ut infra, incensatur solus Celebrans, et non incensantur alii. Subdiaconus non tenet Patenam post Celebrantem, sed tempore elevationis Sacramenti genuflexus in cornu Epistolæ illud incensat. Ministri cum aliquid porrigunt Celebranti, in hac Missa non osculantur ejus manum, neque rem, quæ porrigitur.

Si distribuendæ sunt candelæ, distribuuntur post Epistolam, et accendantur ad Evangelium, ad elevationem Sacramenti, et post Missam, dum fit Absolutio. Si habendus est Sermo, habeatur finita Missa ante Absolutionem.

Finita Missa, si faciendæ est Absolutio, Celebrans retrahit se ad cornu Epistolæ, ubi exiit Casula, et deposito Manipulo accipit Pluviale nigrum. Subdiaconus medius inter duos Acoly-

thos cum candelabris accensis, defert Crucem sicut in Processionibus, præcedentibus duobus aliis Acolythi, uno cum Thuribulo et navicula incensi, alio cum vase aquæ benedictæ et aspersorio ; sequitur Celebrans, facta prius Altari reverentia, et Diaconus a sinistris ejus. Subdiaconus cum Cruce sistit se ad pedes tumuli, seu lecticæ mortuorum contra Altare, medius inter dictos Acolythos tenentes luminaria : Celebrans vero ex alia parte in capite loci inter Altare et tumulum, aliquantulum versus cornu Epistolæ, ita ut Crucem Subdiaconi respiciat : a sinistris ejus Diaconus, et prope eum alii duo Acolythi deferentes Thuribulum, et vas aquæ benedictæ. Interim cantatur *R. Libera me, Domine, et circa illius finem Celebrans ponit incensum in Thuribulum, benedicens illud more solito, ministrante Diacono naviculam, et finito Kyrie eleison, incipit intelligibili voce Pater noster, et secreto proseguendo reliqua, accipit aspersorium de manu Diaconi, et facta Altari reverentia, comitante eodem Diacono a dextris, et tenente fimbriam anteriorem Pluvialis, circumiens tumulum, aspergit illum aqua benedicta, ter a parte dextra, et ter a sinistra. Cum transit ante Crucem, profunde inclinat, Diaconus vero genuflexit : postea de manu ejusdem Diaconi accipit Thuribulum ; et eodem modo quo asperserat, incensat. Et rediens ad pristinum locum, Diacono tenente librum, junctis manibus dicit :*

*ŷ*. Et ne nos inducas in tentationem.  
*R.* Sed libera nos a malo.  
*ŷ*. A porta inferi.  
*R.* Erue, Dómine, animam ejus.  
*ŷ*. Requiescat in pace.  
*R.* Amen.  
*ŷ*. Dómine, exaudi orationem meam.  
*R.* Et clamor meus ad te veniat.  
*ŷ*. Dóminus vobiscum.  
*R.* Et cum spiritu tuo.

O rémus.

**A**BSOLVE, quæsumus, Dómine, animam famuli tui N. ab omni vínculo delictorum : ut in resurrectionis gloria, inter sanctos et electos tuos resuscitatus respiret. Per Christum Dóminum nostrum. *R.* Amen.

Deinde Celebrans faciens Crucem manu dextra super tumulum, dicit :

*ŷ*. Requiem æternam dona ei, Dómine.  
*R.* Et lux perpétua luceat ei.

Et dicto per Cantores Requiescat in pace, et *R.* Amen, præcedente Cruce, redit cum aliis ad Sacristiam.

Si Officium fit pro pluribus Defunctis, omnia dicantur in numero plurali.

ORDO MISSÆ

PRO DEFUNCTIS.

Sacerdos paratus cum ingreditur ad Altare, facta illi debita reverentia, signat se signo Crucis, a fronte ad pectus, et clara voce dicit :



In nómine Patris, et Filii, et Spiritus sancti. Amen. Deinde junctis manibus ante pectus, incipit Antiphonam. Introibo ad altare Dei.

Ministri respondent : Ad Deum, qui lætificat juventutem meam.

Signat se, dicens *ŷ*. Adjutorium nostrum in nómine Dómini. *Resp.* Qui fecit cælum et terram.

Deinde junctis manibus profunde inclinatus facit Confessionem.

**C**ONFITEOR Deo omnipotenti, beátæ Mariæ semper Virgini, beáto Michaéli Archángelo, beáto Joánni Baptistæ, sanctis Apóstolis Petro et Paulo, ómnibus Sanctis, et vobis fratres, quia peccávi nimis cogitatione, verbo, et ópere : **Percutit sibi pectus ter, dicens** : mea culpa, mea culpa, mea máxima culpa. Ideo precor beátam Mariam semper Virginem, beátum Michaëlem Archángelum, beátum Joánnem Baptistam, sanctos Apóstolos Petrum et Paulum, omnes Sanctos, et vos fratres, orare pro me ad Dóminum Deum nostrum.

Ministri respondent :

**M**ISERATUR tui omnipotens Deus, et dimíssis peccáti tuis, perdúcat te ad vitam æternam.

Sacerdos dicit : Amen. Et erigit se.

Deinde ministri repetunt Confessionem : et ubi a Sacerdote dicebatur vobis fratres, et vos fratres, a ministris dicitur tibi pater, et te pater. Postea Sacerdos junctis manibus facit Absolutionem, dicens :

**M**ISERATUR vestri omnipotens Deus, et dimíssis peccáti vestris, perdúcat vos ad vitam æternam. *R.* Amen.

Signat se signo Crucis, dicens :

**I**NDULGENTIAM, absolutiónem, et remissionem peccátorum nostrorum, tríbuat nobis omnipotens et misericors Dóminus. *R.* Amen.

Et inclinatus proseguitur. *ŷ*. Deus tu conversus vivificábis nos. *R.* Et plebs tua lætábitur in te.

*ŷ*. Osténde nobis, Dómine, misericórdiam tuam. *R.* Et salutáre tuum da nobis.

*ŷ*. Dómine, exaudi orationem meam.

*R.* Et clamor meus ad te veniat.

*ŷ*. Dóminus vobiscum. *R.* Et cum spiritu tuo.

Et extendens, ac jungens manus, clara voce dicit **O rémus**, et ascendens ad Altare, dicit secreto :

**A**UFER a nobis, quæsumus Dómine, iniquitates nostras : ut ad Sancta sanctorum puris mereámur méntibus introire. Per Christum Dóminum nostrum. Amen.



Deinde manibus junctis super Altare, inclinatus dicit :

**O**RAMUS te, Dómine, per mérita Sanctórum tuórum, **Osculatur Altare in medio**, quorum reliquiæ hic sunt, et ómnium Sanctórum : ut indulgere digneris ómnia peccáta mea. Amen.

Deinde **Celebrans signans librum signo Crucis, incipit Introitum** : quo finito, junctis manibus, alternatim cum ministris dicit :

**K**YRIE eléison. Kyrie eléison. Kyrie eléison. Christe eléison. Christe eléison. Kyrie eléison. Kyrie eléison. Kyrie eléison.

Deinde **osculatur Altare in medio, et versus ad populum dicit** :  $\text{I}$ . Dóminus vobiscum.  $\text{R}$ . Et cum spiritu tuo. Postea dicit : **Orémus, et Orationes, unam aut plures, ut ordo Missæ postulat. Sequitur Epistola, Graduale, Tractus, cum Versu, aut Sequentia, ut tempus postulat.**

Deinde **delato Missali ad cornu Evangelii, inclinatus in medio, junctis manibus, dicit** :

**M**UNDA cor meum, ac lábia mea, **omnípotens Deus, qui lábia Isaíæ Prophétæ cálculo mundásti ignito** : ita me tua grata miseratióne dignare mundare, ut sanctum **Evangélium tuum digne váleam nuntiáre. Per Christum Dóminum nostrum. Amen.**

Deinde **conversus ad librum, junctis manibus, dicit** :  $\text{I}$ . Dóminus vobiscum.  $\text{R}$ . Et cum spiritu tuo. **Et pronuntians Sequéntia sancti Evangelii secundum Joánnem, pollice dexteræ manus signat librum in principio Evangelii quod est lecturus, deinde se in fronte, ore, et pectore** : et respondetur, **Glória tibi, Dómine** : et legit **Evangelium. Quo finito, respondet minister, Laus tibi, Christe. Et immediate osculatur Altare, et versus**

ad populum, dicit :  $\text{I}$ . Dóminus vobiscum.  $\text{R}$ . Et cum spiritu tuo. **Postea dicit Orémus, et Offertorium. Quo dicto, accipit patenam cum Hostia, quam offerens, dicit** :

**S**USCIPE, sancte Pater, **omnípotens ætérne Deus, hanc immaculátam Hóstiam, quam ego indignus fámulus tuus offero tibi Deo meo vivo et vero, pro innumerabilibus peccátis et offensionibus et negligétiis meis, et pro ómnibus circumstantibus, sed et pro ómnibus fidelibus Christiánis vivis atque defúctis** : ut mihi et illis proficiat ad salutem in vitam ætérnam. Amen.

Deinde **faciens Crucem cum eadem patena, deponit Hostiam super corporale. Et mittens vinum in Calicem, et aquam non benedicens, dicit** :

**D**EUS, qui **humánæ substántiæ dignitatem mirabiliter condidísti, et mirabilius reformásti** : da nobis per hujus aquæ et vini mystérium, ejus divinitátis esse consórtes, qui humanitátis nostræ fieri dignátus est párticeps, **Jesus Christus Filius tuus Dóminus noster. Qui tecum vivit et regnat in unitate Spíritus sancti Deus, per ómnia sæcula sæculórum. Amen.**

Postea **accipit Calicem et offert, dicens** :

**O**FFERIMUS tibi, Dómine, **Calicem salutáris, tuam deprecántes cleméntiam** : ut in conspéctu divínæ majestátis tuæ, pro nostra et totius mundi salute cum odóre suavitátis ascéndat. Amen.

Deinde **facit signum Crucis cum Calice, et illum ponit super corporale, et palla cooperit** : tum **junctis manibus super Altare aliquantulum inclinatus, dicit** :

**I**n spiritu humilitátis, et in ánimo contrito suscipiámur a te, Dómine :

et sic fiat sacrificium nostrum in conspéctu tuo hódie, ut pláceat tibi, Dómine Deus.

Erectus **expandit manus, easque in altum porrectas jungens, elevatis ad cælum oculis et statim demissis, dicit** :

**V**ENI, sanctificátor **omnípotens ætérne Deus** : **benedit oblata prosequendo, et béne** ✠ **dic hoc sacrificium tuo sancto nómini præparátum. Deinde Sacerdos lavat manus, dicens** :

**L**AVABO inter innocéntes manus meas : et circúmdabo altáre tuum, Dómine :

Ut áudiam vocem laudis, et enárrem univérsa mirabilia tua.

Dómine, diléxi decórem domus tuæ, et locum habitatiónis glóriæ tuæ.

Ne perdas cum impiis, Deus, ánimam meam : et cum viris sánguinem vitam meam.

In quorum mánibus iniquitátes sunt : dextera eórum repléta est munéribus. Ego autem in innocéntia mea ingressus sum : rédime me, et miserere mei.

Pes meus stetit in dirécto : in ecclésiis benedicam te, Dómine.

Nón dicitur Glória Patri.

Deinde **aliquantulum inclinatus in medio Altaris, junctis manibus super eo, dicit** :

**S**USCIPE, sancta Trinitas, hanc oblatiónem, quam tibi offerimus ob **memóriam passiónis, resurrectiόnis, et ascensiόnis Jesu Christi Dómini nostri** : et in honórem **beátæ Mariæ semper Virginis, et beáti Joánnis Baptistæ, et sanctórum Apostolórum Petri et Pauli, et istórum, et ómnium Sanctórum** : ut illis proficiat ad honórem, nobis autem ad salutem : et illi pro nobis intercédere dignentur in

cælis, quorum memóriam ágimus in terris. Per eúmdem Christum Dóminum nostrum. Amen.

Postea **osculatur Altare, et versus ad populum, extendens et jungens manus, voce paululum elevata dicit** :

**O**RATE fratres : ut meum ac vestrum sacrificium acceptábile fiat apud Deum Patrem **omnípotentem.**

Minister, seu circumstantes **respondent** : alioquin ipsemet Sacerdos :

**S**USCIPIAT Dóminus sacrificium de mánibus tuis (vel meis) ad laudem et glóriam nóminis sui, ad utilitatem quoque nostram, totiúsque Ecclésiæ suæ sanctæ. **Sacerdos submissa voce dicit** : Amen.

Deinde **manibus extensis absolute sine Orémus, subjungit orationes secretas. Quibus finitis, cum pervenerit ad conclusionem, clara voce dicit** : Per ómnia sæcula sæculórum, cum **Præfatione sequenti. Præfatio incipitur ambabus manibus positis hinc inde super Altare, quas aliquantulum elevat cum dicit Sursum corda. Jungit eas ante pectus, et caput inclinat, cum dicit Grátias agámus Dómino Deo nostro. Deinde disjungit manus, et disjunctas tenet usque ad finem Præfationis** : qua finita, iterum jungit eas, et inclinatus dicit **Sanctus. Et cum dicit Benedictus qui venit, signum Crucis sibi producit a fronte ad pectus.**

**P**ER o-mni-a sæ-cu-la  
sæ-cu-lo-rum.  $\text{R}$  Amen.  $\text{I}$ . Domi



nus vo-biscum. *R.* Et cum spi-  
 ri-tu tu-o. *V.* Sursum cor da.  
*R.* Ha-be-mus ad Do-mi num. *V.*  
 Gra-ti-as a-ga-mus Do-mi-no  
 De-o nostro. *R.* Dignum et ju-  
 stum est. *V.* Ve-re dignum et ju-  
 stum est, æ-quum et sa-lu-ta-  
 re, nos ti-bi semper, et u-bi-  
 que gra-ti-as a-ge-re, Do-mi-  
 ne san-cte, Pa-ter om-ni-po-  
 tens, æ-ter-ne De-us : Per Chri-  
 stum Do-minum nostrum. Per quem

Majestatem tuam laudant Ange-li,  
 ad-o-rant Do-mi-na-ti-o-nes,  
 tre-munt Po-te-sta-tes. Cœ-li,  
 cœlorumque Virtutes, ac be-a-ta  
 Se-raphim, so-ci-a ex-ul-ta-ti-  
 o-ne con-ce-le-brant. Cum qui-  
 bus et nostras vo-ces, ut admit-  
 ti ju-be-as de-pre-ca-mur, sup-  
 pli-ci con-fes-si-o-ne di-cen-  
 tes.

**S**ANCTUS, Sanctus, Sanctus Dóminus  
 Deus Sábaoth.  
 Pleni sunt cœli et terra glória tua.  
 Hosánna in excélsis.  
 Benedictus qui venit in nómine Dó-  
 mini.  
 Hosánna in excélsis.

## PRAEFATIO IN MISSIS DEFUNCTORUM.

Per omnia saecula saeculorum.

R. Amen.

V. Dominus vobiscum.

R. Et cum spiritu tuo.

V. Sursum corda.

R. Habemus ad Dominum.

V. Gratias agamus Domino Deo nostro.

R. Dignum et iustum est

Vere dignum et iustum est, aequum et salutare, nos tibi semper et ubique gratias agere, Domine Sancte, Pater omnipotens, aeterne Deus, per Christum Dominum nostrum. In quo nobis spes beatæ resurrectionis effulsit: ut quos contristat certa moriendi conditio, eosdem consoletur futurae immortalitatis promissio. Tuis enim fidelibus, Domine, vita mutatur, non tollitur: et dissoluta terrestris huius incolatus domo, aeterna in caelis habitatio comparatur. Et ideo cum Angelis et Archangelis, cum Thronis et Dominationibus, cumque omni militia caelestis exercitus, hymnum gloriae tuae canimus, sine fine dicentes.

Imprimatur.

Leoniae, die 23 Augusti 1919.

† HEMETERIUS, Eppus. Leonensis.



PRAEFATIO IN FESTIS S. IOSEPH,  
SPONSI B. MARIAE VIRGINIS.

Sequens Praefatio dicitur in Festo, in Solemnitate et per Octavam S. Ioseph. In Missis votivis dicitur: *Et te in veneratione.*

Per omnia saecula saeculorum.

R. Amen.

V. Dominus vobiscum

R. Et cum spiritu tuo.

V. Sursum corda.

R. Habemus ad Dominum.

V. Gratias agamus Domino Deo nostro.

R. Dignum et iustum est.

Vere dignum et iustum est, aequum et salutare, nos tibi semper et ubique gratias agere, Domine sancte, Pater omnipotens, aeternae Deus: Et te in Festivitate beati Ioseph debitis magnificare praeconiis, benedicere et praedicare. Qui et vir iustus, a te Deiparae Virgini Sponsus est datus: et fidelis servus et prudens, super Familiam tuam est constitutus: ut Unigenitum tuum, Sancti Spiritus obumbratione conceptum, paterna vice custodiret, Iesum Christum Dominum nostrum. Per quem maiestatem tuam laudant Angeli, adorant Dominationes, tremunt Potestates. Caeli, caelorumque Virtutes, ac beata Seraphim, socia exultatione concelebrant. Cum quibus et nostras voces, ut admitti iubeas, deprecamur, supplici confessione dicentes.

Imprimatur.

Leoniae, die 23 Augusti 1919.

† HEMETERIUS, Eppus. Leonensis.